

مجموعه ابو الخضر

ماسوا شائبه سندن دلی تطهیرہ چالش
بر تو حکمت و عرفان الہیہ تویرہ آتش

علوم و معارف دین بحث ابدیہ و ہر ماہ عربی ابتدا سیلہ اون ہشتندہ نشر اول نور مجموعہ عدد در.

جزو ۳۱ - جلد ۳ [فی غرہ ربیع الآخر سنہ ۱۳۰۰] نصفہ سی ۳ غروش

لطائف تاریخیه

فرانسه شعر استند (ماله رب) ك برادريله بر دعواسی وار ایدی .
احباسندن بر ذات بر کون دیر که - جانم! ایکی قرداش پیننده هیچ
دعوا اولورمی؛ سکا عیب دکلی ؟

ماله ربده جواباً دیر که - قرداشم ایله دعوام اولسونده مسقول
ویا بخار الیر ایله می اولسون ! آنلره پایلاشه جق بر شیم یوقدر .

قروموهل مظفراً لوندربه داخل اولدیغی صره ده یاننده
بولتان ذواتدن بری مشار الیه کنیدیسنی تماشا ایدن خلقی ارانه ایله
یوقدر آدم هب سزی کورمک ایچون طویلا نمشدر . دیدیکنده
قروموهل - اوت ! بنی دار آغاجنه کوتوره جک اولسدل ینه یوقدر
غلبه لك اوله جغنی تصدیق ایدرم . دیشر .

مشهور طالیران فوق العاده بقییدی یه دلالت ایدر بر سیمایه مالک
اولسندن ناپولیون پوناپارنک انشته سی اولان مارشال [مورات]
مشار الیه حقنده شو سوزی سولشدر :
— موسیو دو طالیرانک قیچنه بریسی بر تکه اورسه ینه یوزندن
برشی آکلامغه قادر اوله مزسکز !

دائماً فلاسفه ایله اختلاط و مجالسه دن خالی اولمیان بیوک فره .
دریق « مجازات ایده جک بر ایاتم اولسه اوآنده اورایه بر فیلسوف
والی نصب ایدردم . » دیر ایمش .

مادامک بریسی شاعر لطیفه پرداز پیرون ایله اشای مصاحبنده
کندیسنک نیچون منتظم برخانه سیله عربیسی اولدیغنی سؤال ایلکله
مشار ایله دیرکه - زوجه مله آشجیبی و عربی می جیبده طاشیرمده آنک
ایچون خانه یه محتاج اولمام .

— یاسز عشق و محبت کبی شیر یامز میسکز .

— خیر مادام ! آنی یابلس صاتین آلیرم .

فرانسه قرالی دردنجی هانری اویچ یاشنده بولنان چوجوغنی
صرتنه آلهرق اوطه نك ایچنده چارپایی تقلیداً طولاشمده و چوجوغنك
بوصورتله حظوظاتنه خدمت ایتکده ایکن سفردان برذات بغته ایچری
کیمر . قرال سفیری کورنجه طورو هیئتتی اصلاً بوزمقسزین مسافرینه
خطاباً دیرکه :

— سفیر حضرتلری اولادکز وارمی ؟

— جناب حق ثمره قوادکزی پایدار ایتسون؛ واردر افندم .

— او یله ایسه اوطه یی سر بسجده طولاشه یلیرم .

حسن و آن ایله زماننك کزیده لرندن اولان بر مادام نابولیسون
بوناپارت ایله بر بالوده مصاحبت ایلدیکی صروده کندیسنندن رسمی
طلب و نیاز ایتکله مشار ایله « باش اوسقنه » دیرك جیمندن نامنه
مضروب و تصویرینی حاوی اولان بش فراتلق برسکه چیقاروب
مومی الیهایه اعطا ایلشدر .

انکلتره ادباسندن لورد چستر فیلد اطایب و لطائفه میال برذات
ایدی . حتی وفاتنه یقین پک زیاده خسته اولدیغنی حالده برکون عربه
ایله کز مکه چیقار؛ قوناغنه عودتده استفسار صحتی ایچون ورودینه

منتظر اولان احباسندن بری - غالباً میلورد بو کون هوا آلمغه چیقیدنکز!
دیدیکنده چستر فیلد - خیر! هوا آلمغه چیقمدم. مزارلغه عزیزتمک
بر تجربه سنی اجراده بولندم - جوابله حضاری کولدرمشدر.

ادبای عثمانیه دن مشهور کافی دخی لطائفردازلقده امثالی نادر
کلانلردندر. حتی حال احتضارنده یاننده بوانسان احباسنه «صاقین
مزار طاشیمه [الفاتحه] یازدیرمیکز! بن فاتحه دیلنجیسی دکلم. «دیمش
وساعت افتراقک تقریبندن طولای غمکین اولان جلساسنی اوله بر دقیقه ده
بيله قهقهه لرله کولدرمشدر [تجاوز الله عن سیئاته]

فرانقلنک بر طور عبرت آمیزی

وقتک تقدیر قیمتی حقنده مشار الیهک شویله بر لطیفه سنی نقل
ایدرلر: بر کون مطبعه سنک اوکننده بولنان دکانته کتاب آلمق ایچون
بر آدم کلدرک طالب اولدیغی کتابک بهاسی اولان ایکی طالری استکشار
ایتمه سیله دکانده کی خدمتکاره «اموسیو فرانقلنی ایچردن چاغرکز اودها
اوجوز ویرر.» دیر. مشار الیه اوشاغک دعوتی اوزرینه دکانه
کلدیکنده مشتریله پنلرنده شو مکانه جریان ایدر.

مشتری - بو کتاب قاچ غروشدر موسیو فرانقلن؟

فرانقلن - ایکی طالر بر چاریک!

مشتری - نه دیمک! اوشاغکز ایکی طالر دیرکن سز برده
چاریکمی علاوه ایدیورسکز؟ لطیفه نی براقده فی صحیحی سویلیک!
فرانقلن - اوحالده ایکی بچق طالدر دوستم! چونکه یارم

طالری سزکله ضایع ایتدیکم وقت عزیزک قیمتی در.